



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Vna cùm sit Ecclesia, vndè tot sectæ? tit. 13

urn:nbn:de:hbz:466:1-29452

Ob id nihil sunt anniuersaria, fundationes Ecclesiarum &c. nihil profunt, non est ibi scriptura. At Ecclesia habet scripturam, 2. Machab. 12. quæ dicit, sancta, id est, non vana, nec peccatum, at salubris, non inanis aut frustranea est cogitatio pro defunctis exorare &c. Adducant sectæ claram scripturam, quæ perhibet suffragia nihil prodesse, nos hic habemus textum, quod profunt: nam dicit princeps Machabeus, Sancta & salubris est cogitatio pro defunctis &c. Qui non credunt vitam post hanc vitam, illi non commendant multum suffragia. Nos non oramus pro simpliciter defunctis aut mortuis cadaueribus, sed quia scimus & credimus quod in Christo viuunt fideles, ideo pro illis oramus, &c.

VNA CVM SIT ECCLE-

sia, unde tot sectæ?

TITVLVS XIII.



Rimò, hoc certò credere oportet, inquit August. Epist. 170. quæ est sola vna Ecclesia, i. vniuersalis & secundum totum communis super totam terram, sicut radij Solis diffusa, quæ Spiritu sanctus tanquàm in vnâ maiam cogit in vnâ fide, & vniformi participatione sacramentorum. Ephes. 4. Vna fides &c. Et hæc sola est vera Ecclesia, quæ per totum orbem est extensa: sectæ vero quæ in angulo aut speciali prouincia regnant, non sunt Ecclesia, vt secta Arrij, Donati, &c. Nec est diuisa Ecclesia catholica, sicut sunt Ecclesiæ sectarum, quæ nec cum catholica, nec inter seipsas concordant. Catholica autem Ecclesia, quæ est columna & basis veritatis propter Christum, vniformiter credit articulos fidei & sacramenta, &c.

Secundò, quod sunt tot sectæ in Ecclesia, ex 1. Tim. 3.

Cc 4 instinctu

instinctu est Sathanę, sicut dicit Paulus 1. Corinth. 11. Timeo ne sicut serpens decepit Euam, &c. ob id Sathan plurimum laborat, ne iste articulus fidei, credo vnam Ecclesiam &c. pensetur, sed potius contemnatur. Ideo non multum impugnat alios articulos, sed permittit te credere, quod sit vnus Deus, creator omnium, &c. Et articulos de Christo, quod conceptus & natus ex virgine, passus, resurrexit, cœlum ascendit, &c. Etiam credere, in Spiritum sanctum, carnis resurrectionem, remissionem peccatorum, & vitam æternam: Sic etiam Sacramenta accipere, cæremonias seruare, &c. hæc nõ multum impugnat, sed huc articulum, ne eum multum cures, Credo vnicam catholicam Ecclesiam, &c. vt hic cõtemnatur, omninõ suggerit, qd idem sit, intra & extra Ecclesiam in Christum credere &c. Ratio est, quia scit Sathan, quod illi qui non est in vnitatem Ecclesię, nec articuli fidei, nec sacramenta, nec opera bona vel cæremonię, vtilia sunt nec proderunt. Ideo cum hæc omnia impedire possit per labem schismatis, ideõ facit, ne quis multum curet hunc articulum, & quod non reputetur pro peccato, esse & viuere in secta & esse extra Ecclesiam. Et sic conseruat sectas. Ideõ Augustin. in Epistola supra allegata: Hoc etiam scire oportet omnem Christianum, quod extra catholicam vnitatem nullum sacramentum est vtile, nec aliquod opus bonum meritorium, neque saluus quisquam fiet. Gal. 5. Sectę regnum Dei non consequentur. Et 1. Cor. 13. si habuero omnẽ fidem &c. sunt medicina sine operatione. Ideõ inquit August. Epistola 165. Si tibi ipsi Angelus adstisset & hæc ipsa tibi dixisset, quæ iste mandato illius tibi se insinuare dicit: oportet te Apostolicę sententię memorem fieri, qui ait: Sed licet nos aut angelus de cœlo &c. At iniquies: Nihil video deficere sectarijs, habent enim fortunam, sanitatem, tuitionem, fauorem, honorem, pro-

Ad Gene-
rosam.
Galat. 1.

prosperitatem &cæ. rerum abundantiam plus quàm Catholicis. Respondeo: sunt duplicia bona, temporalia & æterna. Temporalia sunt coram bonis & malis, fidelibus & infidelibus. Deus dat solem, pluuiam, fructus terræ, scientiam, &cæ & hoc ratione creationis, sic oculi omnium sperant in Dominum, qui dat escã &cæ. At æterna bona & spiritualia, id est, quæ dantur propter passionem & sanguinem Christi, aut ratione redemptionis Christi, id est, remissio peccatorum, Spiritus sanctus, vita æterna, præmium bonorum operũ, efficacia Sacramentorum, &c. hic non habent partem infideles, Turci & Gentes, & Schismatici. Igitur quo ad futuram vitam, propter quam etiam sumus Christiani & fideles, non propter præsentem vitam, hæc omnia sunt inutilia schismaticis.

Matth. 6.

Tertiò, sectæ non possunt dici, quòd ipsæ sint Ecclesia: Primò, quia schismaticorum sectæ non sunt vniuersales per totum orbem. Secundò, nec inter se, aut cum Catholica Ecclesia consentiunt, & Deus nõ est Deus dissensionis, sed pacis. 2. Cor. 13. Tertiò, quia tales sunt infames Ecclesiæ per edictum prælatorum Papæ & Imperatoris, Matth. 18. quòd sunt schismatici & inobedientes. Quartò, nec idem est, in Christum extra vel intra Ecclesiã credere, August. Epist. 48. Igitur fugiendi. Vide infr. tit. 32. & 208.

VNVM CVM SIT EUANGELIUM, vnde tanta diuersitas?

TITVLVS XI III.



Postolus ad Eph. 4. Vnus est Dominus, vna fides, vnum est etiam Baptisma, vnum Euangelium, & verbum Dei, vna vocatio &c. Sed vnde est tanta diuersitas in fide, Sacramentis, prædicatione? inquis, Hic grauat alterum, quia non vult recipere verbum Dei, aut non habet verbum Dei, &c. cum ta-

C c 5 men